



გორის მუნიციპალიტეტის საკრებულოს

განკარგულება № 88

2023 წლის 15 მაისი
ქალაქი გორი

ა(ა) იპ „გორის მუნიციპალიტეტის სკოლამდელი აღზრდის სააგენტოს (ს/კ 418471022)
2022 წლის ნოემბრიდან განვლილი პერიოდის ანგარიშის შეფასების შესახებ

გორის მუნიციპალიტეტის საკრებულოს კომპეტენციას წარმოადგენს მუნიციპალიტეტის კერძო სამართლის იურიდიული პირის ხელმძღვანელობაზე უფლებამოსილი პირის მიერ გაწეული საქმიანობის კონტროლი, მათი ანგარიშების მოსმენა და შეფასება. აღნიშნული ანგარიშის მოსმენა გაწერილია საკრებულოს 2023 წლის სამუშაო გეგმაში. საკრებულოს სამუშაო გეგმის შესაბამისად საჭიროა მოსმენილ იქნას და შეფასდეს ა(ა) იპ „გორის მუნიციპალიტეტის სკოლამდელი აღზრდის სააგენტოს (ს/კ 418471022) 2022 წლის ნოემბრიდან განვლილი პერიოდის ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტების შესაბამისად:

1. დადებითად შეფასდეს ა(ა) იპ „გორის მუნიციპალიტეტის სკოლამდელი აღზრდის სააგენტოს (ს/კ 418471022) 2022 წლის ნოემბრიდან განვლილი პერიოდის ანგარიში თანდართული №1 დანართის თანახმად (თან ერთვის 10 ფურცლად).

2. განკარგულება ძალაში შევიდეს ხელმოწერისთანავე.

3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე



ა(ა)იპ გორის მუნიციპალიტეტის სკოლამდელი აღზრდის სააგენტოს
2022 წლის 01 ნოემბრიდან 2023 წლის 23 აპრილის ჩათვლით არსებული პერიოდის
საქმიანობის ანგარიში

სარჩევი

შესავალი.....	3
1.1.ბიუჯეტი.....	4-6
1.2.სახელმწიფო შესყიდვები.....	6-7
1.3.სამართლებრივი საქმიანობა.....	7-8
1.4.საქმისწარმოება	8
1.5.რეაბილიტირებული და ახალი საბავშვო ბაგა-ბაღები.....	8
1.6. გორის მუნიციპალიტეტის საბავშვო ბაგა-ბაღების მონიტორინგი	9
1.7.მეთოდური საქმიანობა	9
1.8.მატერიალური უზრუნველყოფა.....	9-10
1.9.დასკვნა	10

1. შესავალი

წინამდებარე ანგარიში მოიცავს ა(ა)იპ გორის მუნიციპალიტეტის სკოლამდელი აღზრდის სააგენტოს 2022 წლის 01 ნოემბრიდან 2023 წლის 23 აპრილის ჩათვლით არსებული პერიოდის საქმიანობის ანგარიშს.

ამ ეტაპზე გორის მუნიციპალიტეტში ფუნქციონირებს 63 სკოლამდელი აღზრდის საჯარო დაწესებულება, საიდანაც 44 დაწესებულება მდებარეობს გორის მუნიციპალიტეტის სოფლებში, ხოლო 19 ქალაქ გორში.

გარდა ამისა, გორის მუნიციპალიტეტში ფუნქციონირებს ბოშურის ალტერნატიული სააღმზრდელო ჯგუფი, რომელიც თავის მხრივ ადმინისტრაციულად გაერთიანებულია ატენის საბავშვო ბაგა-ბაღთან. ასევე ქალაქ გორში N14 სკოლამდელ დაწესებულებაში ფუნქციონირებს სასკოლო მზაობის ცენტრი, რომელიც ახორციელებენ სასკოლო მზაობის საგანმანათლებლო პროგრამით გათვალისწინებულ მომსახურებას აღსაზრდელებისათვის.

1.1. ბიუჯეტი

1.1.1. ა(ა)იპ გორის მუნიციპალიტეტის სკოლამდელი აღზრდის სააგენტოს დაზუსტებული ბიუჯეტი 2022 წელს შეადგენდა 10 006 942 ლარს. რომელიც განსაზღვრული იყო შემდეგნაირად:

1. შრომის ანაზღაურება (თანამდებობრივი სარგო) – 5 420 000 ლარი;
2. შტატგარეშე მოსამსახურეთა შრომითი ანაზღაურება – 1 020 000 ლარი;
3. დანამატი – 45 000 ლარი; (ბაგა–ბაღში დროებით მოვალეობის შემსრულებლებზე გაცემული სახელფასო დანამატი)
4. მივლინების ხარჯი – 1 000 ლარი;
5. ოფისის ხარჯი – 1 266 000 ლარი;
6. კვების ხარჯი – 1 493 535 ლარი;
7. სამედიცინო ხარჯი – 15 907 ლარი;
8. ტრანსპორტისა და ტექნიკის ექსპლუატაციის და მოვლა–შენახვის ხარჯი – 196 000 ლარი;
9. სხვა დანარჩენი საქონლის და მომსახურების ხარჯი – 252 380 ლარი;
10. სოციალური უზრუნველყოფა – 100 000 ლარი;
11. სხვა ხარჯები – 10 000 ლარი;
12. არაფინანსური აქტივების ზრდა – 187 120 ლარი.

ა(ა)იპ გორის მუნიციპალიტეტის სკოლამდელი აღზრდის სააგენტოს ბიუჯეტის ხარჯვა 2022 წლის ბოლომდე პერიოდში განხორციელდა შემდეგი სახით:

1. შრომის ანაზღაურება – 5 407 158 ლარი;
2. შტატგარეშე მოსამსახურეთა შრომის ანაზღაურება – 1 015 662 ლარი;
3. დანამატი – 44 725 ლარი;
4. მივლინების ხარჯი – 540 ლარი;
5. ოფისის ხარჯი – 1 178 681 ლარი;
6. კვების ხარჯი – 1 463 108 ლარი;

7. ტრანსპორტის ექსპლუატაციის და მოვლა-შენახვის ხარჯი – 187 945 ლარი;
8. სამედიცინო ხარჯი – 12 697 ლარი;
9. სხვა დანარჩენი საქონლის და მომსახურების ხარჯი – 252 380 ლარი;
10. სოციალური უზრუნველყოფის ხარჯი – 100 000 ლარი;
11. სხვა ხარჯები – 8 666 ლარი;
12. არაფინანსური აქტივების ზრდა – 128 469 ლარი.

ა(ა)იპ გორის მუნიციპალიტეტის სკოლამდელი აღზრდის სააგენტოს დამტკიცებული ბიუჯეტი 2023 წელს შეადგენს 10 922 000 ლარს. რომელიც განსაზღვრულია შემდეგნაირად:

შრომის ანაზღაურება (თანამდებობრივი სარგო) – 6 830 124 ლარი;

შტატგარეშე მოსამსახურეთა შრომითი ანაზღაურება – 1 232 355 ლარი;

დანამატი – 60 000 ლარი; (ბაგა-ბაღში დროებით მოვალეობის შემსრულებლებზე გაცემული სახელფასო დანამატი)

მივლინების ხარჯი – 2 000 ლარი;

ოფისის ხარჯი – 1 050 971 ლარი;

კვების ხარჯი – 1 128 200 ლარი;

სამედიცინო ხარჯი – 20 000 ლარი;

ტრანსპორტისა და ტექნიკის ექსპლუატაციის და მოვლა-შენახვის ხარჯი – 223 500 ლარი;

სხვა დანარჩენი საქონლის და მომსახურების ხარჯი – 80 000 ლარი;

სოციალური უზრუნველყოფა – 80 000 ლარი;

სხვა ხარჯები – 14 850 ლარი;

არაფინანსური აქტივების ზრდა – 200 000 ლარი.

ა(ა)იპ გორის მუნიციპალიტეტის სკოლამდელი აღზრდის სააგენტოს ბიუჯეტის ხარჯვა 2023 წლის იანვრიდან 24 აპრილის ჩათვლით ხარჯვამ სულ შეადგინა 3 619 915 ლარი. მათ შორის:

შრომის ანაზღაურება – 1 630 968 ლარი;

შტატგარეშე მოსამსახურეთა შრომის ანაზღაურება – 349 246 ლარი;

დანამატი – 6 090 ლარი;

მივლინების ხარჯი – 330 ლარი;
ოფისის ხარჯი – 784 732 ლარი;
კვების ხარჯი – 472 802 ლარი;
ტრანსპორტის ექსპლუატაციის და მოვლა–შენახვის ხარჯი – 121 809 ლარი;
სამედიცინო ხარჯი – 7 081 ლარი;
სხვა დანარჩენი საქონლის და მომსახურების ხარჯი – 115 305 ლარი;
სოციალური უზრუნველყოფის ხარჯი – 30 460 ლარი;
სხვა ხარჯები – 3 777 ლარი;
არაფინანსური აქტივების ზრდა – 97 315 ლარი.

1.2. სახელმწიფო შესყიდვები

1.2.1 საანგარიშო პერიოდში, 2022 წლის ნოემბრიდან დღემდე საბავშვო ბაგა-ბაღების აღსაზრდელთა კვებით უზრუნველყოფის მიზნით გაფორმებული ხელშეკრულებების საერთო ღირებულებამ შეადგინა **1176.843** ლარი.

სააგენტომ ბაგა-ბაღებისთვის სანიტარულ–ჰიგიენური ნორმების უზრუნველყოფის მიზნით, შეიძინა მაღალი ხარისხის ჰიგიენის საშუალებები, აგრეთვე სარეცხი და საპრიალებელი პროდუქცია 48 267ლარის ოდენობის. საანგარიშო პერიოდის განმავლობაში შეძენილი იქნა ცენტრალური ქვაბი და ცენტრალური ქვაბის ნაწილები 16 268ლარი. მოხდა საკანცელარიო ნივთების შეძენა 54 951ლარი. აღსაზრდელთა ტრანსპორტის მომსახურებაში გაიხარჯა 121 055 ლარი. სკოლამდელი აღზრდის სააგენტომ შეიძინა 2 სტანდარტული ლეპტოპი და 8 პერსონალური კომპიუტერი ჯამში 16 594 ლარი.

საანგარიშო პერიოდის განმავლობაში, სააგენტომ 64 საჯარო დაწესებულებებისთვის შეიძინა HACCP სისტემის ტრენინგმომსახურება (გეპ.ანალიზი, HACCP სისტემის დოკუმენტაციის მომზადება) და მოხდა სკოლამდელი დაწესებულების უფლებამოსილი თანამშრომლების გადამზადება HACCP სისტემის მოთხოვნის შესაბამისად. მომსახურების ღირებულებამ შეადგინა 52 551ლარს. მოხდა სხვადასხვა საოჯახო ნივთების (ცოცხები, აქანდაზები, ნაგვის პარკები და ა.შ) 6590ლარის ღირებულების შეძენა.

სკოლამდელი აღზრდის საჯარო დაწესებულებებისთვის მოხდა ელექტრო წყლის გამაცხელებელის შესყიდვა 4930ლარი. ასევე ელექტრო სასწორების შეძენა 2000 ლარი. მოხდა სკოლამდელი სააღმზრდელო დაწესებულებების ხალიჩების, საბნების, ლეიბების და პლედეების შესყიდვა 36 671ლარი. სკოლამდელი აღზრდის საჯარო დაწესებულებებისთვის მოხდა ბრიკეტის და შემის ლუმელის შესყიდვა 48 415 ლარი. შერთულის სკოლამდელი აღზრდის საჯარო დაწესებულებისთვის გაკეთდა ელექტროენერგიით შენობის ცენტრალური გათბობა 28 663 ლარი. შეძენილ იქნა A4 ფორმატის საბეჭდი ქაღალდის შეძენა 5 909ლარი.

საანგარიშო პერიოდში მოხდა ნაძვის ხის და ნაძვის ხის სათამაშოების შესყიდვა 13 630 ლარი. მოხდა 2023 წლისთვის საწვავი ბენზინის შესყიდვა, რომლის საორიენტაციო ღირებულებაც 20 664 ლარი, ასევე მოხდა საწვავი დიზელის შეძენა 10080 ლარი.

1.2.2. საერთო ჯამში სხვადასხვა მომსახურებების საერთო ღირებულებამ საანგარიშო პერიოდის განმავლობაში გამარტივებული შესყიდვით შეადგინა **7366.614**

ლარი, კონსოლიდირებული ტენდერის ფარგლებში განხორციელებული შესყიდვების ღირებულებამ **59403.65** ლარი, ხოლო ელექტრონული ტენდერის ფარგლებში (აუქციონის გარეშე) **42231.41** ლარი. გარდა ზემოაღნიშნულისა აღსანიშნავია ის გარემოება, რომ საანგარიშო პერიოდში მთლიანობაში სააგენტოს მიერ გაფორმდა 44 გამარტივებული სახელმწიფო შესყიდვის ხელშეკრულება, კონსოლიდირებული ტენდერის ფარგლებში განხორციელდა 12 შესყიდვა და გაფორმდა 22 ხელშეკრულება ელექტრონული ტენდერის ფარგლებში.

1.3. სამართლებრივი საქმიანობა

საანგარიშო პერიოდის განმავლობაში განხორციელდა სხვადასხვა საბავშვო ბაგა-ბაღების ელექტროენერგიით და ბუნებრივი აირით მომარაგების სამართლებრივი პროცედურების მოგვარება. გარდა ამისა მოხდა, ალტერნატიული ფართების ქირავნობის ხელშეკრულებების გაგრძელება სოფელ ზერტის, მეჯვრისხევის საქაშეთის, ქალაქ გორის N1, N2, N7 სკოლამდელი აღზრდის საჯარო დაწესებულების ფუნქციონირების მიზნით. მომზადდა და გაფორმდა შრომითი ხელშეკრულებები სააგენტოს ადმინისტრაციასა და სკოლამდელი აღზრდის საჯარო დაწესებულებების შტატგარეშე მოსამსახურებთან შრომის კანონმდებლობის მოთხოვნათა შესაბამისად. ასევე, დაიწყო სკოლამდელი აღზრდის საჯარო დაწესებულებებში დასაქმებული პირებთან გაფორმებული შრომითი ხელშეკრულებების სრულად განახლება, რათა ის შესაბამისობაში იყო საქართველოს შრომის კანონმდებლობაში განხორციელებულ ცვლილებებთან და ავტორიზაციის შესაბამის სტანდარტთან.

ა(ა)იპ გორის მუნიციპალიტეტის სკოლამდელი აღზრდის სააგენტოს მიერ სხვადასხვა კომპანიის მხრიდან ხელშეკრულებით გათვალისწინებული ვალდებულებების შეუსრულებლობის მოხდა შესაბამისი კომპანიებისთვის პირსაგამტეხლოს დაკისრება კანონმდებლობით დადგენილი წესით.

საანგარიშო პერიოდის განმავლობაში სააგენტოს იურისტების წარმოებაში იყო ორი სასამართლო საქმე, რომლიდანაც ერთი დასრულდა, ხოლო დანარჩენი ერთი საქმე კვლავ განხილვის ეტაპზეა. ასევე, 2023 წლის იანვრის თვიდან განხორციელდა სკოლამდელი აღზრდის საჯარო დაწესებულებებში სრულ განაკვეთზე დასაქმებული პირებისთვის შრომის

ანაზღაურების გაზრდა 100 ლარის ოდენობით, ხოლო ნახევარ განაკვეთზე დასაქმებული პერსონალისთვის 50 ლარის ოდენობით.

1.4. საქმისწარმოება

სააგენტო უზრუნველყოფს საჯარო ინფორმაციის გაცემას კანონმდებლობით დადგენილი წესით. საანგარიშო პერიოდის განმავლობაში სრულად დაკმაყოფილდა საჯარო ინფორმაციის გაცემასთან დაკავშირებული 13 განცხადება. საჯარო ინფორმაციასთან დაკავშირებული არც ერთი განცხადება არ გასაჩივრებულა. სააგენტო მომავალშიც მზადაა უზრუნველყოს საჯარო ინფორმაციის შეუფერხებელი გაცემა.

გარდა ამისა აღსანიშნავია, ა(ა)იპ გორის მუნიციპალიტეტის სკოლამდელი აღზრდის სააგენტოში საანგარიშო პერიოდის განმავლობაში შემოსულია 3551 განცხადება თუ სხვადასხვა სახის კორესპონდენცია, ხოლო გასული წერილების რაოდენობა შეადგენს 186-ს.

1.5. რეაბილიტირებული და ახალი საბავშვო ბაგა-ბაღები

2022 წლის ბოლოს დამთავრდა ქალაქ გორის N3 ბაღის მშენებლობა კეთილმოწყობა. ბაღი აღჭურვა ახალი თანამედროვე სტანდარტების შესაბამისი ავეჯით, ჭურჭელით, ტექნიკით და სხვადასხვა აუცილებელი და საჭირო ინვენტარით, ნივთებით. 2023 წლის თებერვლის თვეში N3 საჯარო დაწესებულებამ დაიწყო ფუნქციონირება.

დამთავრდა სოფ. მეჯვრისხევის, სოფ. ხელთუბნის და სოფ. მელვრეკისის ბაღების მშენებლობა და კეთილმოწყობა. დამთავრდა ამ საბავშვო ბაღების აღჭურვა თანამედროვე სტანდარტების შესაბამისი ინვენტარით: ავეჯით, ჭურჭელით, ტექნიკით, სათამაშოებით და სხვადასხვა აუცილებელი ინვენტარით და ნივთებით. ეს ბაღები გაიხსენება უმოკლეს ვადაში.

ასევე აღსანიშნავია ის გარემოება, რომ ა(ა)იპ გორის მუნიციპალიტეტის სკოლამდელი აღზრდის სააგენტო იხდის 7 (შვიდი) სკოლამდელი დაწესებულების (სოფელი საქაშეთი, ზერტი, მეჯვრისხევი, ქალაქ გორის N1, N2, N7 და N18 დაწესებულებები) ქირის გადასახადს, რომელიც ფუნქციონირებს ალტერნატიულ ფართში.

1.6. გორის მუნიციპალიტეტის საბავშვო ბაგა-ბაღების მონიტორინგი

ა(ა)იპ გორის მუნიციპალიტეტის სკოლამდელი აღზრდის სააგენტოს მენეჯერის გადაწყვეტილების საფუძველზე შექმნილია საბავშვო ბაგა-ბაღების მონიტორინგის ჯგუფი, რომლის ფუნქციები შეადგენდა საბავშვო ბაგა-ბაღების კონტროლს ყველა მიმართულებით.

საანგარიშო პერიოდში მონიტორინგი განხორციელდა ყველა საბავშვო ბაგა-ბაღში, სადაც გაიცა კონკრეტული რეკომენდაციები, კვების, სანიტარულ-ჰიგიენური მდგომარეობის, აღმზრდელობითი და მეთოდური მიმართულებით.

1.7. მეთოდური საქმიანობა

სააგენტოს მეთოდისტები უწყვეტ რეჟიმში მუშაობენ, საბავშვო ბაღის აღმზრდელებთან. საბავშვო ბაღების საქმიანობა, მხოლოდ სააღმზრდელო კი არა, საგანმანათლებლოცაა. ამიტომ, თითოეული ჩვენთაგანი აქტიურად ვმუშაობთ ბაღებში აღმზრდელებთან. ვმონაწილეობთ ბაღებისა და ჯგუფების სივრცეების მოწყობაში, ასევე სააღმზრდელო გეგმების შედგენაში სასწავლო სააღმზრდელო პროცესი არის ინკლუზიური .

აღსაზრდელებთან მუშაობენ ასევე, ფსიქოლოგები, სპეც.მასწავლებლები და ინდივიდუალური ასისტენტები, რომლებიც ზრუნავენ ბავშვების გონებრივ, ფიზიკურ, ესთეტიკურ, სოციალურ , ემოციურ განვითარებაზე.

გორის მუნიციპალიტეტის მე-12 და მე-3 ბაღები ჩართულია საპილოტე პროგრამაში „მშობლების ციფრული განათლება“.

1.8. მატერიალური უზრუნველყოფა

2022 წლის ნოემბრის თვიდან და ამჟამადც ა(ა)იპ გორის მუნიციპალიტეტის სკოლამდელი აღზრდის სააგენტოს მიერ, გორის მუნიციპალიტეტის სკოლამდელი აღზრდის საჯარო დაწესებულებებს მიეწოდებათ საკანცელარიო, ჰიგიენური, სამეურნეო საშუალებები. პარალელურად მიმდინარეობს სანტექნიკური და სადურგლო სამუშაოების შესრულება:

საბავშვო ბაღებში წყლის მიღების, ცივი და ცხელი წყლის ონკანების, ნიჟარის სიფონების, წყლის მოტორების, უნიტაზის ჩამრეცხი მექანიზმების, წყლის ტუმბოს ტვინის გოფრირებული მილების შეცვლა–შეკეთება, აგრეთვე დენის ავტომატების შეცვლა– შეკეთება, გაზის ონკანების დაყენება, ცენტრალური გათბობის სისტემის მოწესრიგება, წყლის დენის გამაცხელებლის დაყენება, ნიჟარების დაყენება. ასევე, ამჟამადაც მიმდინარეობს კარადების, სკამების, საწოლების შეკეთება მოთხოვნების მიხედვით. მიმდინარეობს ხის და მეტალოპლასტმასის კარფანჯრის სახელოების, ანჯამების შეკეთება, მოწესრიგდა ელექტრო სადენები, პლაფონები.

2023 წლის მარტის თვეში ა(ა)იპ გორის მუნიციპალიტეტის სკოლამდელი აღზრდის სააგენტოს მიერ სკოლამდელი აღზრდის საჯარო დაწესებულებებში ჩატარდა სადუზინფექციო სამუშაოები. ასევე ბაგა–ბაღებს მიეწოდათ დეზობარიერი, სადუზინფექციო ხსნარი, სადუზინფექციო აბები, პირველადი სამედიცინო დახმარების საშუალებები.

უმოკლეს ვადაში ყველა საბავშვო ბაგა–ბაღი მომარაგდება ჭურჭელით, უმოკლეს ვადაში საჭიროებიდან გამომდინარე მოვამარაგებთ რამდენიმე საჯარო დაწესებულებას ტექნიკით (ელექტროქურებით,მაცივრით, ელექტრო ხორცსაკეპი მანქანებით, წყლის დენის გამაცხელებლებით), ასევე მოვამარაგებთ საკანცელარიო ნივთებით, ჰიგიენური საშუალებებით და სხვა ინვენტარით, რათა უზრუნველყოფილ იქნას სააღმზრდელო დაწესებულებებში სწავლის უწყვეტი და შეუფერხებელი პროცესი.

1.9. დასკვნა

მიუხედავად პანდემიისგან გამოწვეული საყოველთაოდ რთული ვითარებისა, საანგარიშო პერიოდის განმავლობაში სააგენტოს მიერ გაწეული მუშაობის შედეგად გორის მუნიციპალიტეტის საბავშვო ბაგა–ბაღებში საგრძნობლად გაუმჯობესებულია ვითარება კვების, სანიტარულ-ჰიგიენური მდგომარეობის, აღმზრდელობითი საქმიანობის და ინფრასტრუქტურული მდგომარეობის თვალსაზრისით.

ა(ა)იპ გორის მუნიციპალიტეტის სკოლამდელი აღზრდის სააგენტო ყველაფერს აკეთებს იმისათვის, რომ გორის მუნიციპალიტეტში არსებულმა სკოლამდელი აღზრდის საჯარო დაწესებულებებმა დააკმაყოფილონ კანონმდებლობით დადგენილი სტანდარტები.